

# No mag di cambia of kibra un edificionan cu ta proteha cu e Seyo di Monumento

ORANJESTAD (AAN): Seyo di monumento proteha, algo cu a tuma nota cu ta basta activo como departamento di monumento. Como directora di Monumentenbureau, Yvonne Kock-Webb, a splica cu seyo di monumento cu a traha pa identifica e edificionan cu ta proteha. Pa ley ta haci un indicacion e ora ey, un doño di edificio a haya un carta cu ta bisa cu pa ley kier pa e bira un monumento proteha y e doño por protesta y bisa cu no ta di acuerdo, ta bay riba un proceso legal pa bisa pakico no. E proceso ta tarda, e ta yega cu e ta bay den registro di monumento. Actualmente tin 36 monumento cu ta inscribi den e registro di



monumento. Aunke cu a publica e lista ey caba riba Facebook di Monumentenbureau, a publik'e den corant, e registro ta na monumentenbureau, hopi hende no ta corda kico ta proteha y e ora ey a bisa tambe pa e ta mas visibel, a bin cu e idea pa pone e seyo riba e edificio.

E ta yuda tambe cu nos co-

munidad ta yuda door cu nan ta wak e seyo riba dje, cu ora nan ta wak un cambio ta wordo haci na dje, cu nan ta yama monumentenbureau di biaha y por bisa cu tin un hende ta haci un cambio na dje y ta manda e monumentenwacht pa controla di biaha, si ta algo cu ta en contra di ley.

Ora e ta proteha, no mag di cambia of kibra un monumento. Tin yen di regla poni loke por of no por riba un monumento. A wordo inspira door di e casnan floria cu tin diferente simbolo riba dje. Nan tin diferente significado tambe. Loke a haya sa den un investigacion cu a haci te awo, ta cu esun cu ta e streya, cu ta riba e edificionan, ta nifica pa e doño proteccion. A scoge e simbolo ey tambe pa a uza pa e monumentonan proteha. E color blauw ta internacionalmente desde segunda guerra mundial, tur caminda ta poniendo diferente seyo riba edificionan historico. Nan ta yama blue shields y tambe a wordo inspira pa tuma e mesun color pasobra blauw ta identifica e color di monumento. Mirando esey, a acerca minister Oduber e tem-

po ey pa haya financiamiento con pa haci esaki. A haya cu ATA a sponsor e proyecto aki pa haya e placa pa traha tur e seyonan aki. Tin actualmente 150 seyo traha caba y banda di esey a traha di biaha un foyeto cu ta splica kico ta e seyo di monumento pero alabes e preguntanan mas hopi cu ta haya, a pone den e foyeto.

E prome seyo a wordo devela door di Gobernador y ex minister Oduber na Fort Zoutman. Esey tabata aña pasa mas of menos. Despues a bay over actualmente pa bay identifica tur e edificionan cu ta di Gobierno. Esey ta loke cu Bestuurskantoor ta. Bestuurskantoor ta e prome den e grupo di edificionan cu ta di Gobierno cu ta haya nan seyo. Tambe esunnan cu ta di Stichting Monumentenfonds, tambe tin algun edificio den nan propiedad, tambe nan a haya nan seyo caba.

Y asina lo sigui den total e prome 36 lo bay haya nan seyo awor aki. Awo cu a haya permiso di prome minister, kende ta e minister di cultura actualmente, ta bay over pa identifica tur e otro edificionan di Gobierno, cu ta proteha

pa ley caba. Despues di esaki lo bin e fase unda tin mas di 300 edificio cu tambe tin cu bay haya nan seyo na su debido tempo. Pero esey ta nifica cu tur e edificionan aki ta yam'e edificionan di particular, cu ta edificionan manera casnan antiek den famia, por ehempel, nan lo bay bin na beurt. Ta un otro grupo cu lo bay haya nan seyo. Proteccion di e prome edificio cu ta den particular, no a tuma luga ainda. Esakinan ta cosnan door cu tin un minister nobo, tin cu papia tur esaki cu e minister, pa mira kico ta su vision riba dje.

Bestuurskantoor semper tabata un edificio cu monumentenbureau a bringa pe, pero tin cu bisa tambe cu e minister presidente, tambe ta un persona cu semper a bringa pa bestuurskantoor. Ora cu e binnenhof a keda cla, rondona pa edificionan historico, kier a celebra tambe e prome stap di cuminsa identifica esunnan cu ta di Gobierno. Esey ta eigenlijk unda tabata tin un tiki bruhamiento, pero e seyo tey caba y ta di supone cu e seyo lo keda tambe, segun Yvonne Webb-Kock.